

臨時公報

臨時公報

大中華民國元年四月二十一日

壬子年三月初五日
星期日

臨時公報

發行所

北京東長安牌樓王府井大街
電話東局二二〇零一號

臨時公報 第二輯

出版 江蘇人民出版社

發行 揚州古籍書店

印刷 江蘇廣陵古籍刻印社

出版日期 一九八二年二月第二版第二次印刷

書號 一一〇〇・〇五九

定價 三十三元整

目錄

命令

電報

批呈

公啟

命令

臨時大總統令

任命黃桑諾爾布爲正白旗滿洲都統此令

中華民國元年四月二十日即壬子年三月初四日大總統蓋印

臨時大總統令

任命徐寶惠爲鎮黃旗漢軍副都統此令

中華民國元年四月二十日即壬子年三月初四日大總統蓋印

臨時大總統令

山東登州鎮總兵張長盛著來京另有差遣任命鄧際昌暫署登州鎮總兵此令

中華民國元年四月二十日即壬子年三月初四日大總統蓋印

臨時大總統令

任命李奎元爲甘肅河州鎮總兵此令

中華民國元年四月二十日即壬子年三月初四日大總統蓋印

電報

上海程都督陳蒞任後用人行政辦法電 陽曆四月十八日即壬子三月初二日

倘全因病辭職將爲歐美之遊行李成途忽奉任命不勝悚惕民國肇建已歷半載建設之艱難因應之困苦匪惟當局知之抑亦人所共喻總統及當事諸君子既諄諄責望又聞莊都督積憂成疾求去至迫德全若復逡巡卻顧或務中乞己意先以遠謝爲要求之地本非開誠見心之道無已則有一言以當息壤吾總統暨江蘇人民之屬望於德全將以求有濟於事也德全扶疾受命卑一切死生禍福之觀念而犧牲之亦將求有濟於事也既求有濟即不容諉疾而忌醫吾民知專制之痛苦矣抑知官與民託託於共和發旨盈庭多方牽制釀成一事不能辦一人不能用之狀況其痛苦乃倍烈於專制夫革命圖建共和將欲致幸福於吾民也江蘇自光復以來人民未嘗享一日之樂利爾先受無窮之疾苦追溯其源皆由德全辦事之時既實不誠貽此重戾今日重莅斯邦獲補過之餘地首宜以恢復秩序爲唯一之方針一面求教育普及養成人民自治資格以期臻乎共和國民自治之程度其在今日共和國度幼稚時期諒首若徒慕虛名或以美國成績爲準繩或以法國政風相衡責望凡不韋之務一一促以見諸施行地方之財力既絀不勝人民之知識相距更遠況又際此恐慌紛擾之時代有不慎敗宜見者乎德全衰屏無能時自說憫然用一人行政斷不敢稍越乎法律之外所願江蘇父老子弟鑒其求濟於事之微忱寬其責備俾一切用人行政得有從容措手之地其有關係則

執法以隨其後庶幾無負我大總統委任之重及江蘇人士屬領之隆區區愚忱尙希諒察
德全錄印

開封省議會報告臨時省議會成立電

河南臨時省議會於本月十五日成立舉定楊君源恩爲議長王君傑張君嘉爲副議長蔣君
局名義卽於是日消滅所有兩電文告請此後逕寄本會爲要此布
省議會印

開封張都督報告選定議院分館入都電

河南省議會已於今日選定參議院議員五人計劉積學杜澂陳景南阮慶雲孫維烈陳在
鄧杜前日赴京在汴已分電備其入都矣
劉芳稟治印

呈批

署直隸都督張錫鑾呈報凌汛安瀾並將趕辦修守以禦伏秋汛漲文

爲呈報事據署永定河道潘煥鼎稟稱竊職道於三月二十四日到任正值凌汛喫緊之際業經督前道延馨先期派委廳汛文武員弁駐工安慎防守並將冰泮日期及派委文武員弁分駐要工銜名清單先後呈報鑒核各在案伏查本屆承上年大工之後新工新增添防嚴尤宜加慎隨即親駐工次督同防護乃河水疊次增長溜深之處自七八尺至一丈二三尺不等勢極洶湧各汛紛紛報險職道往來河干逐段分查南岸如南上之十三十六十七號南下之四號南二之十五號南三之八九號十八九號北二上之六號北三之六號北四上之二號北五之頭號各工或河流坐灣橫河頂衝坍塌近堤或溜勢側注埝段垂墮或陡墮入水甚有隨時隨地之虞情形均極險要均經職道督率廳汛文武員弁齊集兵夫動用傭工料物不分晝夜竭力搶鑲並用麻袋裝土沈壓添埝相度機宜設法保護一律化險爲平現已節屆清明據各廳呈報於四月初五日即壬子年二月十八日全河冰凌融化盡淨水勢漸消蘆溝橋現存底水深八尺兩岸堤埝各工悉臻平穩具報凌汛安瀾前來除仍督飭廳汛員弁加意巡防並將歲修防守事宜竭力趕辦以禦伏秋汛漲外所有凌汛安瀾緣由理合稟請查核轉報等情據此除飭將修守事宜認真趕辦以禦伏秋汛漲外理合呈報

大總統請鑒核

批據呈已悉此批

中華民國元年四月十九日即壬子年三月初三日

東三省都督趙爾巽呈請以彭毅孫護理奉天提法使等文

爲呈報事竊照正任奉天高等審判廳廳丞潘鴻賓曾委署理奉天提法司使未及到任即派赴京都備充顧問查有調奉補用道彭毅孫從前在奉多年熟諳法學素委署理高等審判廳廳丞堪飭暫行護理得法司事務其前署高等廳承兼提法司正任高等檢察長汪世杰即飭回高等檢察長本任以便各專職守除撤飭遵照外理合呈報

大總統鑒核飭部肅案施行

批據呈已悉交該部肅案施行

中華民國元年四月十九日即壬子年三月初二日

東三省都督趙爾巽等呈請以談國樞充臨時顧問員以備詢問文

爲呈請事竊維國體初更百端待理鈞政府締造經營自必視全國之趨勢以謀政策之統一惟是吾國之大腹邊陲陸情形各有不同所有地方組織有不得不因地因時權其輕重緩急而有普通政策與特別政策之殊者江省僻居東北既與黃外則與俄爲鄰內則瀕蒙豫處又復中貫東清鐵路國防之重要治理之艱難早在鈞政府洞鑒將來規畫政策自必另有特別制度然新舊遞更以因爲革亦宜有熟悉邊情者上備鈞政府之顧問俾得陳述機略以定政治方針茲查有裁缺度支司使談國樞在江年久熟悉一切情形用特派令前來充臨時顧問員並請鈞政府轉行各部如有詢問之處卽令該員隨時陳說以資採擇而便接洽除飭該員遵照並分行外理合備文呈請鈞政府鑒核施行

批據呈已悉交該部肅案施行查照此批

中華民國元年四月十九日壬子年三月初三日

署山東都督余則達呈請以丁道津等調署布政司等缺文

爲呈報事竊照則達前在署布政司任內接奉
大總統電令任命理山東都督等因遵於四月初一日接印任事呈報在案所遺布政使一
缺查現署提法使丁道津堪以調署提法使一缺查現署濟東泰武臨道何澍堪以調署通遠
濟東道一缺查有候補道員陳公亮堪以署理除分飭遵照外理合具文呈請
大總統鑒核施行

批據呈已悉交該衙門備案此批

中華民國元年四月十九日即壬子年三月初三日

署熱河都統溫源呈報熱河官銀號宣統三年生息獲利開除實在各數目文

爲呈報事竊查熱河官銀號經前都統廷杰於光緒三十二年十月奏准開辦截至宣統二年
年底止所有歷年盤查情形業經奏在案茲查宣統三年正月起到十二月止又屆一年所
有出入帳目及年滿獲利若干自應照章派員盤查以重公款當經派委候補知縣孫廷鈞盤
查去後茲據該員以會同該號總辦執事人等檢齊帳目彙報分別外放內存開除實在四項
按款鈎稽逐一盤查計宣統三年全年十個月交易生息共獲利銀一萬二千三百十九兩
零四分除辛工酬送日用房租並雜項等款共銀六千三百十九兩零四分實獲餘利銀六千
兩擬請照章先提一成銀六百兩作爲公積其餘分作十成以七成銀二千七百八十兩歸還
官本另款存庫以一成銀一千六百二十兩作爲獎勵等情稟覆前來本部統覆核無異除咨

度支部農工商部外理合開單呈報
大總統鑒核施行謹呈

滿將熱河官銀號自宣統三年正月起到去年底止獲利開支數目開單呈送查核 計開 成
本項下 原領暨續撥銀七萬六千一百四十六兩零七分 光緒三十四年分一成公積銀
六百兩宣統元年分一成公積銀六百五十兩宣統二年分一成公積銀六百兩 餘利項下
獲利銀一萬二千三百十九兩零四分 開除項下 辛工購送日用房租並雜項等銀大
千三百十九兩零四分 提還官本七成銀三千七百八十兩 總理執事人等三成花紅銀
一千六百二十兩 實存項下 成本銀七萬六千一百四十六兩零七分光緒三十四年分
一成公積銀六百兩宣統元年分一成公積銀六百五十兩宣統二年分一成公積銀六百兩
宣統三年分一成公積銀六百兩

批據呈已悉交該部查照此批

中華民國元年四月十九日即壬子年三月初三日

勸公啓

四月二十日奉

大總統臨時籌備處應即裁撤等因此啓

臨時籌備處啟

臨時公報 公啟

民國四年二月二十一日即西曆三月十一日

原 缺

大中華民國元年四月二十二日
壬子年三月初六日
星期一

臨時公報

發行所

北京東長安牌樓王府井大街
電話東局二一四零一號

目錄

命令

批呈

報告